

Bwrdd Rheoleiddiol Cymru



Llywodraeth Cymru
Welsh Government

Pecyn gwybodaeth i ymgeiswyr

Bwrdd Rheoleiddiol Cymru

**Penodi Aelod Bwrdd Annibynnol
(Hanfodol Cymraeg)**

Dyddiad Cau: 25 Hydref 2019



Rheoleiddiwyd gan y
Comisiynydd Penodiadau
Cyhoeddus

Bwrdd Rheoleiddiol Cymru

Cynnwys

Gwneud Cais

Atodiad A: Penodi Aelod Bwrdd Annibynnol

Atodiad B: Rôl a chyfrifoldebau: Bwrdd Rheoleiddiol Cymru

Atodiad C: Y broses ddethol

Gwneud cais

Diolch am eich diddordeb ym mhenodiad Aelod Annibynnol o Fwrdd Rheoleiddiol Cymru. Bydd disgwyl i'r aelod annibynnol newydd weithio gyda Chadeirydd y bwrdd, gan roi cyngor i Lywodraeth Cymru ar berfformiad cymdeithasau tai yng Nghymru, rhoi cyngor strategol ar yr opsiynau ar gyfer y sector cyfan i'r dyfodol, a herio'r ffordd y mae Llywodraeth Cymru yn rheoleiddio'r sector. Mae'r atodiadau sydd ynghlwm yn rhoi manylion rôl yr aelod a manyleb y person, rôl a chyfrifoldebau Bwrdd Rheoleiddiol Cymru a'r broses ddethol.

I wneud cais, ewch i wefan penodiadau cyhoeddus Llywodraeth Cymru yma:

<https://cymru-wales.tal.net/vx/lang-cy/mobile-0/appcentre-3/brand-2/xf-f720fb1be1a1/candidate/jobboard/vacancy/7/adv/>

I wneud cais am y rôl hon, cliciwch ar swydd Bwrdd Rheoleiddiol Cymru ac ar 'Gwneud cais' yng nghornel chwith gwaelod y dudalen. Y tro cyntaf ichi wneud cais am swydd, bydd angen ichi lenwi ffurflen gofrestru ar gyfer system gais ar-lein Llywodraeth Cymru. Dim ond unwaith y bydd angen ichi gofrestru. Bydd modd ichi wedyn wirio cynnydd eich cais, ac unrhyw geisiadau eraill a wnewch, drwy'r cyfrif a gofrestrwyd.

Unwaith byddwch wedi cofrestru, bydd modd ichi fynd i'r ffurflen gais. I wneud cais, bydd angen ichi lanlwytho datganiad personol a CV i adran 'Rhesymau dros wneud cais' y ffurflen gais ar-lein.

Datganiad Personol

Y datganiad personol yw eich cyfle i ddangos sut rydych yn bodloni pob un o'r meini prawf ym manyleb y person. Cewch chi benderfynu sut i gyflwyno'r wybodaeth. Fodd bynnag, dylech geisio rhoi enghreifftiau manwl sy'n dangos sut mae eich gwybodaeth a'ch profiad yn cyfateb i bob un o'r meini prawf, ac sy'n disgrifio beth oedd eich rôl chi yn y broses o gyflawni amcan penodol. Bydd o fudd i'r panel dethol hefyd os gallwch fod yn glir ynghylch pa dystiolaeth benodol sy'n berthnasol i ba faen prawf. Mae'n arferol neilltuo paragraff i bob maen prawf.

Dylech gyfyngu eich datganiad personol i ddwy dudalen. Mae'n bosibl y caiff eich cais ei wrthod os bydd eich datganiad yn hirach na hyn.

CV

Sicrhewch fod eich CV yn cynnwys manylion bras eich swydd bresennol neu ddiweddaraf, a'ch dyddiadau yn y rôl. Nodwch unrhyw swyddi Gweinidogol a fu gennych yn y gorffennol neu yr ydych ynddynt ar hyn o bryd.

Amserlen fras

Dyddiad cau:	25 Hydref 2019
Creu rhestr fer:	07 Tachwedd 2019
Cyfweliadau:	02 Rhagfyr 2019

Bwrdd Rheoleiddiol Cymru

Datganiad am Amrywiaeth

Mae Llywodraeth Cymru yn credu y dylai cyrff cyhoeddus gael aelodau bwrdd sy'n adlewyrchu cymdeithas yng Nghymru - pobl o bob cefndir - i'w helpu i ddeall anghenion pobl a gwneud penderfyniadau gwell. Dyma pam mae Llywodraeth Cymru yn annog ystod eang ac amrywiol o unigolion i wneud cais am benodiadau i gyrff cyhoeddus. Rydym yn croesawu'n arbennig geisiadau gan bob grŵp sydd heb gynrychiolaeth ddigonol gan gynnwys menywod, pobl dan 30 oed, pobl o gefndir du, Asiaidd ac o leiafrifoedd ethnig, pobl anabl a phobl lesbiaidd, hoyw, deurywiol a thrawsryweddol.

Cynllun Gwarantu Cyfweliad – Yn Gadarn o Blaid Pobl Anabl

Mae Llywodraeth Cymru yn gweithredu cynllun Cadarn o Blaid Pobl Anabl ac yn croesawu ceisiadau gan bobl sydd ag anabledau. Mae'r cynllun hwn yn sicrhau cyfweliad i bobl sydd ag anabledau os byddant yn bodloni gofynion sylfaenol y swydd. Mae'r ffurflen gais hefyd yn eich galluogi i nodi unrhyw anghenion penodol sydd gennych neu offer penodol y gall fod ei angen arnoch os cewch wahoddiad i gael cyfweliad.

Manylion Cyswllt:

I gael rhagor o wybodaeth am y broses ddethol, cysylltwch â:

Y Ganolfan Cydwasanaethau Corfforaethol

Ffôn: 03000 255454

E-bost: penodiadaucyhoeddus@llyw.cymru

I gael mwy o wybodaeth am rôl Bwrdd Rheoleiddiol Cymru a rôl y Cadeirydd a/neu Aelod, cysylltwch â:

Huw Maguire

Rhif ffôn: 0300 0256073

Ebost: Huw.Maguire@llyw.cymru

Os oes angen rhagor o gymorth arnoch chi i wneud cais am y rôl hon, cysylltwch â Desg Gymorth Canolfan Cydwasanaethau Corfforaethol Llywodraeth Cymru ar 03000 255454 neu anfonwch e-bost i publicappointments@llyw.cymru.

I gael rhagor o wybodaeth am Benodiadau Cyhoeddus yng Nghymru, ewch i www.llyw.cymru/penodiadaucyhoeddus.

Disgrifiad o'r rôl a manyleb y person

Rôl a chyfrifoldebau

Cafodd Bwrdd Rheoleiddiol Cymru ei sefydlu yn 2016. Chwe aelod annibynnol sydd i'r Bwrdd yn ogystal â'r Cadeirydd. Mae'r Bwrdd yn rhoi cyngor i Weinidogion Cymru ac mae'n gyfrifol am oruchwylio'r ffordd y mae Llywodraeth Cymru yn rheoleiddio cymdeithasau tai yng Nghymru ac am roi cyngor perthnasol i'r Gweinidog.

Bydd yr Aelodau Bwrdd Annibynnol:

- yn cyfrannu at waith y Bwrdd drwy fynychu'r cyfarfodydd yn rheolaidd, paratoi'n drylwyr a chyfrannu ar sail gwybodaeth;
- yn helpu'r Cadeirydd i ddod i gonsensws yn nhrefodaethau'r Bwrdd;
- yn bodloni safonau uchel uniondeb a llywodraethiant;
- yn mynychu cyfarfodydd perthnasol eraill yn ôl y gofyn;
- yn cymryd camau i gyfrannu at waith y Bwrdd, gan gynnwys adolygiadau thematig.

Penodir yr Aelodau Annibynnol am gyfnod o hyd at dair blynedd. Bydd pob aelod mewn sefyllfa i roi barn awdurdodol ar y drefn reoleiddiol ar sail eu harbenigedd personol, a bydd disgwyl iddynt gefnogi'r Bwrdd drwy ddarparu gwybodaeth sy'n berthnasol i'r sector, yn ogystal â:

- (a) chynnig eu barn ar faterion yn ymwneud â rôl y Bwrdd sy'n rhan o'u cylch cyfrifoldeb;
- (b) cyfrannu at drafodaethau ar faterion y gofynnwyd iddynt eu trafod gan y Gweinidog, neu y cytunwyd arnynt gyda'r Gweinidog, mewn perthynas â'r Cylch Gorchwyl isod.

Bydd hawl gan Aelodau'r Bwrdd i gyflog ar sail lefelau a gymeradwywyd gan Lywodraeth Cymru. Yn ogystal, telir treuliau priodol.

Bwrdd Rheoleiddiol Cymru

Manyleb y Person

Er mwyn cael eich ystyried, rhaid ichi allu dangos bod gennych y rhinweddau, y sgiliau a'r profiad i fodloni pob un o feini prawf hanfodol y rôl.

Meini Prawf Hanfodol

Dadansoddi a dehongli

- y gallu i ddadansoddi a dehongli data er mwyn monitro perfformiad yn erbyn amcanion a gymeradwywyd

Sgiliau cyfathrebu a dylanwadu

- y gallu i herio mewn ffordd adeiladol
- parodrydd i gydwethredu ac ymegnio i gyflawni gwaith y Bwrdd

Safonau uchel o ran ymddygiad corfforaethol a phersonol

- dealltwriaeth glir o faterion cydraddoldeb ac ymrwymiad iddynt, a herio arferion gwahaniaethol;
- dealltwriaeth glir o 'Saith Egwyddor Bywyd Cyhoeddus' Nolan, ac ymrwymiad iddynt;

Dymunol

Byddai cefndir yn un neu fwy o'r meysydd canlynol o fantais, ond nid yw'n hanfodol:

- profiad diweddar fel uwch swyddog gweithredol yn y sector tai cymdeithasol
- cyllid/benthyca
- cyfraith tai a/neu gydymffurfedd a rheoleiddio
- bod/wedi bod yn denant a/neu'n landlord tai cymdeithasol
- gwybodaeth am y ddarpariaeth dai, polisi tai neu gyllid tai, a dealltwriaeth o reoleiddio a'r sector cymdeithasau tai dielw
- y gallu i fonitro, adrodd a chynghori ar berfformiad sector a reoleiddir yng Nghymru, ac ar sut y gellir gwella swyddogaethau rheoleiddiol
- dealltwriaeth o fframwaith gwleidyddol a pholisi Cymru.

Y Gymraeg - Mae'r gallu i siarad Cymraeg yn hanfodol ar gyfer o leiaf un o'r swyddi.

Ffeithiau allweddol am y swydd

Lleoliad

Cynhelir busnes y Bwrdd mewn gwahanol leoliadau ledled Cymru, fel rheol yn swyddfeydd y Cymdeithasau Tai.

Ymrwymiad Amser

Disgwylir i'r Bwrdd gwrdd bob chwarter **o leiaf**, ac o bosibl gael dau gyfarfod y flwyddyn gyda'r Gweinidog. Yn ogystal, dylai Aelodau Annibynnol fod ar gael ar gyfer telegynadleddau interim y Bwrdd. Bydd disgwyl i Aelodau Annibynnol dreulio o leiaf 5 diwrnod bob chwarter (cyfanswm o 20 o ddyddiau y flwyddyn) ar fusnes y Bwrdd.

Hyd y penodiad

Penodiad cychwynnol o 3 blynedd. Gall gael ei adnewyddu yn amodol ar berfformiad boddhaol hyd at uchafswm o 6 mlynedd.

Cyflog

Telir **£198 y dydd** i Aelodau'r Bwrdd. At ddibenion treth ac Yswiriant Gwladol, ystyrir bod Aelod Bwrdd Annibynnol yn ddeiliad swydd. Bydd y ffioedd a delir, o ganlyniad, yn drethadwy o dan Atodlen E y Ddeddf Drethi ac yn destun cyfraniadau Dosbarth 1 Yswiriant Gwladol. Caiff y symiau hyn eu tynnu drwy system gyflogres Llywodraeth Cymru a thelir y ffi net i ddeiliad y swydd. Ni fydd yn rhaid talu TAW ar y ffioedd.

Ceir hawlio costau teithio ac unrhyw gostau rhesymol eraill a ysgwyddir wrth ymgymryd â gwaith y Bwrdd oddi wrth Llywodraeth Cymru o fewn y terfynau cydnabyddedig. Mae'n bosibl hefyd y byddwch yn gymwys i gael ad-daliad costau gofal plant/gofalu am berson hŷn/gofalwr cynorthwyol, wrth wneud gwaith ar ran y Bwrdd.

Pwy sy'n gymwys i wneud cais?

[Dylai unrhyw feini prawf penodol sy'n golygu nad yw unigolyn yn gymwys i fod yn rhan o'r corff gael eu nodi yma. Gallai hyn gynnwys meini prawf penodol sy'n golygu bod person yn anghymwys neu sefyllfaoedd lle mae Deddf Anghymhwysio Tŷ'r Cyffredin 1975 neu orchmynion a wnaed dan Ddeddf Llywodraeth Cymru 2006 yn berthnasol.]

Dylai ymgeiswyr hefyd nodi y bydd bod yn aelod o Bwrdd Rheoleiddiol Cymru yn golygu na fyddant yn gymwys i fod yn aelod o Gynulliad Cenedlaethol Cymru o dan Orchymyn Cynulliad Cenedlaethol Cymru (Anghymhwysio) 2015.]

<http://www.legislation.gov.uk/ukSI/2015/1536/contents/made>

[Oes angen gwiriad gan y Gwasanaeth Datgelu a Gwahardd? Ystyriwch a fydd angen i'r person sy'n cael ei benodi gael ei wirio gan y Gwasanaeth Datgelu a Gwahardd (sy'n disodli'r hen wiriadau Swyddfa Cofnodion Troseddol) cyn i'r swydd gael ei chadarnhau. Ceir rhagor o wybodaeth am wiriadau'r Gwasanaeth Datgelu a Gwahardd [yma](#). Gallai hyn fod yn berthnasol i unrhyw un sy'n dod i gysylltiad â phlant neu oedolion sy'n agored i niwed o ganlyniad i'w penodiad. Os felly, byddai angen cynnwys y manylion yma gyda datganiad yn dweud na fydd y penodiad yn cael ei gadarnhau nes i'r gwiriadau / gofynion cofrestru hynny gael eu bodloni.]

Bwrdd Rheoleiddiol Cymru

Gwrthdaro buddiannau

Bydd gofyn ichi ddatgan unrhyw fuddiannau preifat a allai fod, neu y gellid dehongli eu bod, yn gwrthdaro â'ch rôl a'ch cyfrifoldebau fel Aelod Annibynnol o Bwrdd Rheoleiddiol Cymru, gan gynnwys buddiannau busnes neu swyddi o awdurdod y tu allan i'ch rôl o fewn Bwrdd Rheoleiddiol Cymru.

Bydd unrhyw wrthdaro buddiannau yn cael ei drafod yn y cyfweiliad. Os byddwch yn cael eich penodi, bydd disgwyl ichi hefyd ddatgan y buddiannau hyn ar gofrestr sydd ar gael i'r cyhoedd.

Safonau mewn bywyd cyhoeddus

Bydd disgwyl ichi ddangos safonau uchel o ran ymddygiad corfforaethol a phersonol. Bydd gofyn i'r holl ymgeiswyr llwyddiannus gydymffurfio â Chod Ymddygiad Aelodau Byrddau Cyrff Cyhoeddus. Gallwch weld y ddogfen yma:

<http://www.bl.uk/aboutus/governance/blboard/Board%20Code%20of%20Practice%202011.pdf>

Rôl a chyfrifoldebau - Bwrdd Rheoleiddiol Cymru

Statws Cyfreithiol

Mae Bwrdd Rheoleiddiol Cymru wedi'i sefydlu drwy bwerau rheoleiddio tai a roddwyd i Lywodraeth Cymru o dan Ddeddf Tai 1996, a hynny fel Bwrdd Cynghori i gynnig cyngor i Weinidogion Cymru.

Mae adran 71 o Ddeddf Llywodraeth Cymru 1996 yn rhoi'r pŵer i Weinidogion Cymru wneud unrhyw beth...yr ystyrir ei fod yn hwyluso arfer unrhyw un o'u swyddogaethau eraill, hy y swyddogaethau rheoleiddio o dan Ddeddf Tai 1996, neu unrhyw beth sy'n gydnaws â hynny neu'n atodol i hynny.

Cefndir y Bwrdd

Prif ddiben Bwrdd Rheoleiddiol Cymru yw dal Tîm Rheoleiddio Tai Llywodraeth Cymru i gyfrif am ei waith. Mae'n gwneud hynny drwy oruchwylio'r broses o weithredu'r Fframwaith Rheoleiddiol. Mae hefyd yn rhoi cyngor i Weinidogion ynghylch perfformiad y sector cymdeithasau tai.

Mae'r Bwrdd Rheoleiddiol cyfredol wedi bod yn ei le ers Ebrill 2016. Mae'n fwrdd cwbl annibynnol, a benodir drwy'r broses penodiadau cyhoeddus, ac mae'n disodli'r Bwrdd Rheoleiddiol blaenorol o ystod o randdeiliaid tai, un aelod annibynnol a Chadeirydd annibynnol.

Mae'r Bwrdd yn ystyried adroddiadau, gan gynnwys adroddiad blynyddol, a chanllawiau gan y Rheoleiddiwr, yn ogystal â chyhoeddiadau eraill ar berfformiad y sector. Defnyddir y deunyddiau hyn i roi cyngor i Weinidogion ar berfformiad y Rheoleiddiwr, y sector ac unrhyw oblygiadau polisi cysylltiedig.

Mae'r Bwrdd hefyd yn dod â ffocws strategol i faterion ar draws y sector, drwy gomisiynu gwaith ymchwil i themâu allweddol. Mae'r themâu hyn yn deillio o waith bob dydd y Tîm Rheoleiddio, megis adolygiad thematig Gwerth am Arian, a ysgogwyd ar ôl i nifer sylweddol o gymdeithasau ei chael yn anodd darparu digon o dystiolaeth o werth am arian yn eu hunanasesiadau. Yn ystod y flwyddyn gyfredol, mae'r Bwrdd wedi bod yn cynnal adolygiad/llunio adroddiad cynnydd ar lywodraethiant cymdeithasau tai.

Mae'r Bwrdd yn cael ei gefnogi gan Grŵp Cynghori ar Reoleiddio.

Pennwyd y *Cylch Gorchwyl* canlynol ar gyfer Bwrdd Rheoleiddiol Cymru. Bydd y cylch gorchwyl yn cael ei adolygu'n rheolaidd.

- (1) archwilio perfformiad a gweithgarwch rheoleiddiol Llywodraeth Cymru, a'r sector, drwy ystyried adroddiad blynyddol, ac adroddiadau a chanllawiau eraill gan y Rheoleiddiwr, ynghyd â chyhoeddiadau eraill ar berfformiad y sector;
- (2) gofyn am gyngor/persbectif ychwanegol ar berfformiad y sector gan amrywiaeth eang o gyrff, yn ôl yr angen;

Bwrdd Rheoleiddiol Cymru

(3) defnyddio'r wybodaeth i:

- roi cyngor i'r Gweinidog ar berfformiad y rheoleiddiwr a'r sector;
- rhoi cyngor i'r Gweinidog ar oblygiadau polisi cysylltiedig;
- rhoi cyngor i'r Gweinidog ar newidiadau i'r fframwaith rheoleiddio;
- rhoi cyngor i'r Gweinidog ar yr angen am waith ymchwil ychwanegol, yn ôl yr angen.

Nid yw Bwrdd Rheoleiddiol Cymru yn rhan o Lywodraeth Cymru. Nid oes gan Fwrdd Rheoleiddiol Cymru bwerau na swyddogaethau gweithredol. Caiff y Gweinidog Tai ac Adfywio (y Gweinidog) ofyn i'r Bwrdd am unrhyw gyngor y mae'r Gweinidog yn teimlo bod ei angen er mwyn cyflawni diben y Bwrdd. Mater i'r Gweinidog fydd penderfynu a yw am dderbyn neu wrthod argymhellion y Bwrdd.

Mae Bwrdd Rheoleiddiol Cymru yn cyflawni ei rôl ar ran Llywodraeth Cymru. Nid yw hyn yn tynnu oddi wrth y ffaith bod y Bwrdd yn gweithredu mewn capasiti cynghorol, o fewn y cylch gwaith a gytunwyd ar ei gyfer gan y Gweinidog, ac y bydd ei gyngor a'i argymhellion yn annibynnol felly.

Gan gadw gofynion arferol Deddf Rhyddid Gwybodaeth 2000 mewn cof, mater i'r Gweinidog yw penderfynu a yw am gyhoeddi unrhyw rai o adroddiadau/papurau Bwrdd Rheoleiddiol Cymru. Llywodraeth Cymru sy'n berchen ar unrhyw ddata, adroddiadau a deunyddiau eraill a gaiff eu creu gan y Bwrdd.

Y broses ddethol

Bydd y panel cyfweld yn asesu CV a datganiad personol pob ymgeisydd i benderfynu pwy sy'n bodloni'r meini prawf ar gyfer y rôl orau, a phwy fydd yn cael eu gwahodd i gyfweiliad. Bydd y panel yn dibynnu ar yr wybodaeth yn eich CV a'r datganiad i asesu a ydych yn meddu ar y sgiliau a'r profiad gofynnol. Sicrhewch eich bod yn darparu tystiolaeth i ddangos sut rydych yn bodloni pob un o'r meini prawf hanfodol.

Y panel dethol fydd: Emma Williams, Dirprwy Gyfarwyddwr, Polisi Tai (Llywodraeth Cymru) - Cadeirydd; Huw Maguire, Pennaeth Rheoleiddio Tai (Busnes) (Llywodraeth Cymru); a Clarissa Corbisiero, Dirprwy Brif Gyfarwyddwr, Cartrefi Cymunedol Cymru.

Gan ddibynnu ar nifer y ceisiadau a ddaw i law, efallai y bydd eich cais yn cael ei roi ar restr hir cyn cael ei roi i'r panel sy'n llunio rhestr fer i'w ystyried. Dylech fod yn ymwybodol efallai na fydd eich cais yn cael ei ystyried yn llawn gan y panel cyfan mewn sefyllfa fel hon.

Rydym yn rhagweld y bydd y panel wedi penderfynu yn ystod Tachwedd 2019 pwy fydd yn cael eu gwahodd i gyfweiliad ym mis Rhagfyr 2019.

Dim ond yr ymgeiswyr cryfaf y mae'r panel yn credu sydd wedi dangos eu bod yn bodloni'r meini prawf a nodwyd yn adran manyleb y person orau fydd yn cael eu gwahodd i gyfweiliad. Fodd bynnag, os ydych wedi ymgeisio o dan y cynllun gwarant cyfweiliad, a'ch bod yn bodloni'r meini prawf hanfodol ar gyfer y swydd, cewch chithau hefyd eich gwahodd i gyfweiliad.

Os cewch eich gwahodd i gyfweiliad ac nad yw'r dyddiad eisoes wedi'i nodi yn y pecyn gwybodaeth hwn, ein nod yw rhoi cymaint o rybudd â phosibl ichi o ddyddiad y cyfweiliad. Os na allwch fod yn bresennol ar y dyddiad hwnnw, fe wnawn ymdrechu i aildrefnu ond efallai na fydd hyn yn bosibl oherwydd cyfyngiadau amser o fewn yr amserlen benodi neu argaeledd y panel dethol.

Byddwch yn cael e-bost a fydd yn cael ei anfon drwy'r system Penodi i roi gwybod ichi a fyddwch wedi cael eich gwahodd i gyfweiliad ai peidio. Ein bwriad yw cynnal y cyfweiliadau ym Mharc Cathays, Caerdydd.

Os cewch eich gwahodd i gyfweiliad, bydd y panel yn eich holi ynghylch eich sgiliau a'ch profiad ac yn gofyn cwestiynau penodol i asesu a ydych yn bodloni'r meini prawf a osodwyd ar gyfer y swydd ai peidio.

Bydd yr ymgeiswyr y bydd y panel yn credu sy'n addas i'w penodi yn cael eu hargymell i'r Gweinidogion, a fydd yn gwneud y penderfyniad terfynol. Gall y Gweinidog ddewis cyfarfod â'r ymgeiswyr hyn cyn gwneud penderfyniad. Os felly, bydd yn cyfarfod â'r holl ymgeiswyr ym mhresenoldeb cadeirydd y panel neu ei gynrychiolydd enwebedig. Bydd bwloch amser rhwng y cyfweiliad a'r penderfyniad penodi terfynol. Bydd yr ymgeiswyr a gafodd eu cyfweld yn cael yr wybodaeth ddiweddaraf.

Bwrdd Rheoleiddiol Cymru

Os byddwch yn llwyddiannus, cewch lythyr yn eich penodi'n Aelod Annibynol o Bwrdd Rheoleiddiol Cymru, a fydd yn cadarnhau telerau'r penodiad.

Os na fyddwch yn llwyddiannus yn dilyn eich cyfweiliad, bydd Llywodraeth Cymru yn rhoi gwybod ichi. Rydym yn gwerthfawrogi bod angen llawer o amser ac ymdrech er mwyn ymgeisio am rolau, ac felly mae rhoi adborth yn rhan werthfawr o'r broses. O ganlyniad, bydd y llythyr yn cynnwys manylion yr unigolyn y gallwch gysylltu ag ef i gael adborth ar eich cyfweiliad a'ch cais, os dymunwch wneud hynny.

Ymholiadau

Oes gennych gwestiynau am eich cais, cysylltwch â Desg Gymorth y Ganolfan Cydwasanaethau Corfforaethol ar 03000 255454 neu e-bost i publicappointments@llyw.cymru.

Os nad ydych yn hollol fodlon

Nod Llywodraeth Cymru yw prosesu'r holl geisiadau mor gyflym â phosibl a thrin pob ymgeisydd yn gwrtais. Os oes gennych unrhyw gwynion am y ffordd y deliwyd â'ch cais, cysylltwch â Desg Gymorth y Ganolfan Cydwasanaethau Corfforaethol ar 03000 255454 neu anfonwch e-bost i publicappointments@llyw.cymru.